



Nargiza YUSUPOVA,  
Toshkent davlat pedagogika universiteti tayanch doktoranti  
Iskandar SHERNAZAROV,  
Toshkent davlat pedagogika universiteti professori v.b., p.f.d  
E-mail: shernazarov\_iskandar855@mail.ru

NavDPI professori v.b., p.f.d M.Ahadov taqrizi asosida

## KIMYO FANIDAN TALABALARING FUNKSIONAL SAVODXONLIGINI BAHOLASHNING KONSEPSIYASI VA PEDAGOGIK MODELI

Annotatsiya

Maqlolada funksional savodxonlikning muhim tarkibiy qismlari, ta'lim sifati, PISA dasturida baholash, xalqaro miqyosda o'quvchilar funksional savodxonlikni baholash, funktsional savodxonlik va malakalarini baholash, kimyo ta'limi kursida o'quvchilarning funksional savodxonligini baholash, mavjud o'qitish usullarining samaradorligini baholash, kimyo fanini o'qitish jarayonida talabalarning funktsional savodxonligi baholashning konsepsiysi, baholash usullari hamda metodologik komponentdagi yondashuvlar yoritib berilgan.

**Kalit so'zlar:** Funksional savodxonlik, PISA dasturida baholash.

## КОНЦЕПЦИЯ И ПЕДАГОГИЧЕСКАЯ МОДЕЛЬ ОЦЕНКИ ФУНКЦИОНАЛЬНОЙ ГРАМОТНОСТИ УЧАЩИХСЯ ПО ХИМИИ

Аннотация

В статье освещаются важные компоненты функциональной грамотности, качество образования, оценка в программе PISA, оценка функциональной грамотности учащихся на международном уровне, оценка функциональной грамотности и компетентности учащихся, оценка функциональной грамотности учащихся в курсе химического образования, оценка эффективности существующих методов обучения, концепция оценки функциональной грамотности учащихся в процессе преподавания химии, методы оценки, а также подходы в методологическом компоненте.

**Ключевые слова:** Функциональная грамотность, оценка в программе PISA.

## THE CONCEPT AND PEDAGOGICAL MODEL OF ASSESSING STUDENTS' FUNCTIONAL LITERACY IN CHEMISTRY

Annotation

The article highlights the important components of functional literacy, the quality of education, assessment in the PISA program, assessment of functional literacy of students at the international level, assessment of functional literacy and competence of students, assessment of functional literacy of students in the course of chemical education, assessment of the effectiveness of existing teaching methods, the concept of assessing functional literacy of students in the process of teaching chemistry, assessment methods, and There are also approaches in the methodological component.

**Key words:** Functional literacy, assessment in the PISA program.

**Kirish.** Jahonda sodir bo'layotgan global ijtimoiy-iqtisodiy, jumladan, ta'lim tizimidagi o'zgarishlar intellektual salohiyatli, iqtidorli, kreativ fikrلaydigan mutaxassislarini tayyorlash amaliyotiga, xalqaro baholash tadqiqotlariga o'quvchi va o'qituvchilarini tayyorgarligini oshirishda tabiiy-ilmiy savodxonlikka alohida e'tibor qaratilgan. Bunda o'qituvchilar o'quv jarayonini tashkil etish bo'yicha turli zamonaviy yondashuvlarni jamlash, binobarin talabalarning tabiiy-ilmiy savodxonligi va kreativ fikrلashlarini amaliyotga yo'naltirilgan, ta'lim tizimida talabalar uchun funksional savodxonlikni shakllantirishga imkon beruvchi integrativ faoliyat amalgalga oshiriladi. Xususan, Iqtisodiy hamkorlik va taraqqiyot tashkiloti (OECD) tomonidan amalgalga oshiriladigan xalqaro baholash dasturlarida bugungi kunda ta'lim tizimida fan va innovatsiya faoliyatining yutuqlaridan keng foydalanish, ta'lim tizimida o'zgarishlar kiritish zarurligi ta'kidlangan.

Muammoning o'rganilganlik darajasi. Umumiy o'rta ta'lim məktəb o'quvchiları va talabalarning iqtidorigini aniqlash, ijodiy kompetentlikni shakllantirish va rivojlantirish qator tadqiqotlar va ilmiy ishlarda yoritilgan; o'quvchi va talabalarning tayanch va fanga oid kompetensiyalarini rivojlantirish M.Vaxobov, M.A.Yuldashev, U.

Inoyatovlarning ilmiy izlanishlarida tadqiq etilgan bo'lsa, ularning mantiqiy fikrlash qobiliyatlarini aniqlash va shu asosda ijodkorligini oshirish, bilim darajasini diagnostika qilish masalalari N.Azixxodjaeva, U.Inoyatov, B.Xodjaev, U.Sodiqovlarning ilmiy ishlarda yoritilgan.

Ta'lim sifatini baholash muammosining dolzarbliji mahalliy va xorijiy ta'lim nazariyasi va amaliyotida olib borilgan tadqiqotlar bilan yaqqol namoyon bo'ladi. Shunday qilib, so'nggi yillarda ta'lim sifati tushunchasining mohiyatini ochib berish kabi masalalarga katta e'tibor berilmoqda. Rossiya davlatida bu soha abo'yicha bir qancha olimlar ilmiy tadqiqot ishlarni olib borishgan. Masalan: ta'lim sifati tushunchasining mohiyatini ochib berishda V.P. Bespalko, G.A.Bordovskiy, B.G. Gershunskiy, V.P. Panasyuk, M.M. Potashnik, N.A.Selezneva va boshqalar, pedagogik kvalimetriya bo'yicha V.P. Bespalko, A.I.Su-Betto va boshqalar), talabalarning bilim va ko'nikmalarining sifati (E.A.Krasnovskiy, T.L.Kogan va Y.Lerner, M.N.Skatkin va boshqalar), talabalar ta'limga darajadagi yondashuv (O.E. Lebedev, L.M. Perminova, A.P. Tryapitsina va boshqalar), ta'lim sifatini monitoring qilish va diagnostika qilish (B.P. Bitinas, V.V. Guzeev, I.Yu. Gutnik, V.A. Kalney, V.N. Maksimova, A.N. Mayorov, S.E. Shishov, A.P. Tryapitsina va

boshqalar), talabalar yutuqlarini baholash (V.M. Blinov, V.Pisarev, V.M.Polonskiy, A.N. Mayorov va boshqalar), kompetentsiyaga asoslangan yondashuv (I.Y. Aleksashina, O.V. Akulova, V.A. Kalney, S.P. Pisareva, S.B.Shishov va boshqalar). Ko‘pgina ishlar xorijiy tadqiqotchilar tomonidan bajarilgan (K. Ingenkamp, I. Kosta, R. Wohlseller, D. Nixon, G. Cawelti, M. Holt va boshqalar).

**Tadqiqot metodologiyasi.** “Funksional savodxonlik” atamasi 1957 yilda Vilyam Grey tomonidan YUNESKOning “O‘qish va yozishni o‘rgatish” tadqiqotida paydo bo‘lgan. Biroq, funksional savodxonlikni rivojlanТИRISH masalasi dunyoning tobora o‘sib borayotgan axborot murakkabligi bilan bog‘liq holda faqat 1980-yillarda dolzarblikka ega bo‘ldi. Bugungi kunda funksional jihatdan savodli bo‘lish hayotiy zarurat bo‘lib, mamlakatning farovonligi, ijtimoiy-madaniy va iqtisodiy rivojlanishiga ko‘p jihatdan bog‘liqidir.

Zamonaviy inson – faoliyatning barcha sohalarida muvaffaqiyatlari ishlashiga va tez o‘zgarib turadigan axborot muhiti bilan integratsiyalashuviga imkon beradigan shunday darajaga ega bo‘lishi kerak. Buning uchun funksional savodxonlikning muhim tarkibiy qismlari bo‘lishi kerak:

doimiy ravishda o‘rganish va rivojlanтиRISH, faol ijodiy fikrlesh, belgilangan vazifalarni hal qilishning nostandart usullarini topish, o‘zingizning professional yo‘lingizni va hayotiy ko‘rsatmalarinigizni tanlash imkoniyatiga ega bo‘lish.


Hozirgi vaqtida O‘zbekistonda o‘quvchilarining asosiy kompetensiyalarini shakllantirish uchun zarur shart-sharoitlarni yaratishga alohida e’tibor berilmoxda. Bu maktab o‘quvchilarining funksional savodxonlik darajasi

mamlakatdagi inson kapitalining raqobatbardoshligi uchun yetarli emasligi bilan bog‘liq [1].

Bugun funksional savodxonlik, kasbiy kompetentlik tushunchasi ta’lim sifati tushunchasi bilan birgalikda qaraladi. XX asrning ikkinchi yarmidan boshlab butun dunyo bo‘ylab «Sifat inqilobi» yuzaga keldi. Dunyoning yetakchi ishlab chiqarish korxonalarini asosiy e’tiborni son va miqdorga emas, balki mahsulot sifatiga qarata boshlashdi. Sifat raqobatbardoshlikni ta’minlovchi asosiy omil sifatida namoyon bo‘la boshladи [2].

Mamlakatimizning dunyo hamjamiyatiga integratsiyalashuvi, fan-texnika va texnologiyalarning rivojlanishi yosh avlodning o‘zgaruvchan dunyoda raqobatbardosh bo‘lishi fanlarni mukammal egallashni taqozo etadi, bu esa ta’lim tizimiga, jumladan, kimyo fanlarini o‘rgatish bo‘yicha ham xalqaro tajriba va andozalarni joriy etish orqali ta’minlanadi. Bundan ta’lim bo‘yicha qator xalqaro tashkilotlarning tadqiqotlari natijalari ham dalolat bermoqda. Shu o‘rinda, Iqtisodiy hamkorlik va taraqqiyot tashkiloti (OECD) ning 15 yoshli o‘quvchilarining o‘qish, matematika va tabiiy fanlar savodxonlik darajasini baholashga qaratilgan PISA - o‘quvchilar yutuqlarini va hayotiy ko‘nikmalarini shaklanganligini baholash xalqaro dasturi tadqiqotlarini qarashimiz mumkin [3].

PISA dasturida “baholash” o‘quvchilarining hayotiy ko‘nikmalarini, ya’ni maktab dasturi doirasida olgan bilimlarini hayotiy vaziyatlarda qo‘llay olish darajasini aniqlashga qaratilgan. Bu esa o‘z navbatida o‘quvchidan funksional savodxonlikni talab etadi. Funksional savodxonlikda o‘quvchilar nimani o‘rganishlari kerak?



1-rasm. PISA dasturida baholash mezoni


Baholash - bu nimanidir sifati yoki darajasini aniqlashtirish. Baholash deb, haqiqiy natijalarning rejalashtirilgan natijalar bilan o‘zaro bog‘liqlik jarayonni sifatida ham tahlil qilishimiz mumkin. Ushbu jarayon ma‘lum bir maqsadni ko‘zlab o‘tkaziladi [4].

Ta’limda baho ta’lim oluvchi (o‘quvchi, talaba), ta’lim beruvchi (pedagog xodim, ta’lim mussasasi), ta’lim tizimiga beriladi va ta’lim mussasasi yoki ta’lim sifatini nazorat qiluvchi davlat yoki nodavlat tashkilotlari tomonidan o‘tkaziladi [3]. Baholash – bu baholanishi lozim bo‘lgan bilim, ko‘nikma, kompetensiylar majmuyi va o‘lchanishi lozim bo‘lgan xususiyat haqida xulosa chiqarish bo‘lib, bu xulosa bilvosita, cheklangan sondagi maxsus yaratilgan

topshiriqlar yordamida chiqariladi. Baholash jarayonida qo‘llaniladigan topshiriqlar yig‘indisi test deyiladi [4]. Xalqaro miyosda o‘quvchilar funksional savodxonlikni baholashga qaratilgan PISA tadqiqot dasturida asosiy yo‘nalishlar sifatida o‘qish savodxonligi, matematik savodxonlik va tibiiy fanlar savodxonligi va kreativ fikrlesh kiritilgan.

Shuni ayta olamiz-ki, PISA tadqiqotlaridagi tibiiy fanlar savodxonlik topshiriqlari darajalariga qo‘yilgan talablar Amerikalik mashhur psixolog va pedagog Benjamin Blum tomonidan asos solingen (savol va topshiriqlar tizimi - bilih faoliyati darajalariga asoslangan) o‘quv maqsadlari taksonomiyasiga mos kelishini kuzatish mumkin [8].

## B.BLUM taksonomiyasi



2-rasm. B.Blumning o'quv maqsadlari taksonomiyasi

Blum taksonomiyasiga ko'ra, tafakkurning rivojlanishi bilish, tushunish, qo'llash, tahlil, umumlashtirish, baholash darajalarida bo'ladi. Bu yerda, bilish, tushunish, qo'llash tafakkurning quyi darajasi bo'lib, fundamental bilimlarni tashkil etadi, tahlil, umumlashtirish, baholash tafakkurning yuqori darajasi bo'lib, funksional savodxonlikni tashkil etadi.

Funksional savodxonlik fanlar integratsiyasini talab etadi va o'quvchilarga maktab dasturini ongli tarzda o'zlashtirish, hodisa va jarayonlar o'rtasida qo'llash, munosabatlarni anglash imkonini beradi. Bunda matematika, fizika, kimyo, biologiya, ekologiya fanlaridan faktlarni, nazariyalarni, qonuniyatlarni mazmunli anglash, aniqlashtirish va chuqurlashtirish uchun qulay sharoitlar yaratiladi. Bu esa bevosita ta'lim sifatiga juda katta ta'sir etadi [4].

Funksional savodxonlik va malakalar talabalarning kimyoviy bilimlarini hayotiy vaziyatlarda va muammolarni hal qilishda qo'llashlari uchun zarurdir. Kimyo nafaqat faktlar va nazariyalarni yodlash, balki amaliy ko'nikmalarni rivojlantirish va kimyoviy tamoyillarni turli kontekstlarda qo'llash qobiliyatidir.

Funksional savodxonlik va malakalarni baholash o'quvchilarning tushunchalari va bilimlarini yangi vaziyatlarga o'tkazish qobiliyati haqida qimmatli tushunchalar berishi mumkin. Bu ma'lumot o'qituvchilarga talabalar qo'shimcha yordamga muhtoj bo'lishi mumkin bo'lgan yoki o'qitish strategiyalarini o'zgartirish zarur bo'lgan sohalarni aniqlashda yordam beradi.

Bugungi shiddat bilan o'zgarib borayotgan dunyoda kuchli muammolarni yechish, tanqidiy fikrlash va tahliliy ko'nikmalarga ega bo'lgan shaxslarga talab ortib bormoqda. Kimyo ta'limi bu ko'nikmalarni rivojlantirishda hal qiluvchi rol o'ynaydi va funksional savodxonlik va malakalarni baholash o'quvchilarning kelajakdag'i o'quv va kasbiy faoliyatiga yaxshi tayyorlanishini ta'minlashga yordam beradi [5].

Kimyo ta'limida funksional savodxonlik va malkani baholashning integratsiyasi XXI-asrda muloqot, hamkorlik, ijodkorlik va tanqidiy fikrlash kabi ko'nikmalarni rivojlantirishga urg'u beradigan hozirgi ta'lim tendentsiyalariga mos keladi.

Funksional savodxonlik va malakalarni baholash nazariy bilimlar va amaliy qo'llash o'rtasidagi tafovutni bartaraf etishga yordam beradi, bu turli sohalarda, jumladan sog'liqni saqlash, atrof-muhit fanlari va boshqa ko'plab sohalarda martaba izlayotgan talabalar uchun zarurdir.

Funksional savodxonlik va malakalarni baholash, shuningdek, talabalarning amaliy ehtiyojlari va zamonaviy ischi kuchi talablariga ko'proq mos keladigan yaxshiroq o'qitish metodikasi va o'quv materiallarni ishlab chiqishga yordam beradi [11].

Tahlil va natijalar bo'limi

Kimyo fanini o'qitish jarayonida talabalarning funksional savodxonligi baholashning konsepsiysi quyidagicha:

Kimyo fanidan funksional savodxonlik va malakalarni aniqlab baholash:

Kimyo faniga oid didaktik manbalar va loyiha ishlarini dizaynni baholash:

Namuna olish va ma'lumotlarni to'plash, taqqoslash tartiblarini baholash:

Sinovlarini o'tkazish va kimyo laboratoriya asboblarni takomillashtirishni baholash:

Asosiy tadqiqotni amalga oshirish ko'nikma va malakalarini baholash:

Ma'lumotlarni tahlil qilish va sharhlashni baholash:

Hisobot va olingan natijalarni amaliyatga joriy etilishini baholash:

Doimiy baholash va takomillashtirishni baholash:

Baholash usullari qo'yidagicha ifodalash mumkin [15]: yozma baholash, laboratoriya ishini bajarish, kontseptsiya xaritasi, muammolarni yechish vazifalari, metakognitiv mulohazalar.

Kimyo fanidan o'qitish jarayonida talabalarning funksional savodxonligini baholash turli baholash usullarini o'z ichiga olgan ko'p qirrali metodologiyani talab qiladi. Yozma baholash, laboratoriya tajribalari, muammoni hal qilish mashqlari, guruh loyihalari, og'zaki baholash, ish faoliyatini baholash va o'z-o'zini baholashni birlashtirgan kompleks yondashuv tavsija etiladi. Yozma baholash o'quvchilarning kimyo nazariyalari va tamoyillari bo'yicha bilimlarini tushunish imkonini beradi, laboratoriya tajribalarida esa nazariy tushunchalarni amaliy qo'llash baholanadi [6].

Muammoni hal qilish mashqlari ularning tanqidiy fikrlash va tahliliy qobiliyatlarini baholaydi, guruh loyihalari esa ularning hamkorlik qilish va samarali muloqot qilish qobiliyatini baholaydi. Og'zaki baholash o'quvchilarga o'z tushunchalarini ifodalash va o'z nuqtai nazarlarini himoya qilish imkonini beradi, ishlashga asoslangan baholash esa ularning kimyo bilimlarini real senariylarda qo'llash qobiliyatini tekshiradi.

**Xulosa.** Bizning fikrimizcha, talabaning shaxsiy natijalari ustuvor bo'lishi kerak. Agar shunday bo'lsa, unda funksional savodli shaxsni muvaffaqiyatlari tarbiyalash uchun ta'limga yangicha baholash metotlarini joriy qilish kerak. Masalan: talabalarning o'zlashtirgan bilimlarini baholashda erkin ijodiy ish va hamkorlik ishlash qobiliyatlarini ham hisobga olish kerak tadqiqotimiz davomida aniqlandi.

Shuning uchun o'quv va oliv ta'lim jarayonini shunday taskil qilish kerakki, talabaga amaliy harakatlar ko'nikmalarini, ya'ni asosiy kompetentsiyalarni: tahlil qilish, taqqoslash, asosiy narsani ajratib ko'rsatish, o'z-o'zini etarli darajada ta'minlash qobiliyatini shakllantirish kerak.

Talabalarga hurmat qilish, mustaqil bo'lish, hamkorlik qilish, tashabbus ko'rsatish, muammolarni sezish va ularni hal qilish yo'llarini izlashni o'rnatish kerak.

Inson o'z hayotini bag'ishlaydigan faoliyat sohasidan, shaxs tanlagan o'ziga xos rolidan qat'i nazar, agar u mayjud ijtimoiy muhit sharoitida, kundalik hayot sharoitida to'liq

moslashishga qodir bo'lsa, odam yashash uchun qulay bo'ladi. Bu funksional ta'kidlashning ma'nosi - savodxonlik bulib inson hayotning turli sohalarida standart muammolarini hal qilishga tayyorligini anglatadi. Ya'ni: zamonaviy jamiyat sharoitida (eng yaqin ijtimoiy muhit sharoitida) moslashish qobiliyati, ma'lum bir bilim sohasiga qiziqishni shakllantirish, asosiy fan bilimlari va ko'nikmalarining ma'lum bir tizimining ishlab chiqish zarurati anqlandi.

Baholash talabarning dasturda belgilangan bilim, ko'nikma va malakalarni o'zlashtirish darajasini, mehnatsevarlik darjasini va intizom holatini shartli belgilarda, shuningdek, o'qituvchining baholash mulohazalarida aniqlash va ifodalashdir. Baholash o'quv muammolarini

tashxislashning asosiy ko'rsatkichi va fikr-mulohazalarni bildirish vositasini ekanligi tadqiqot davomida aniqlandi.

O'qituvchining yuqorida ko'rsatilgan ko'rsatkich va mezonlarga egalik darajasi uning o'quvchilarda funksional savodxonlikni shakllantirishda kasbiy kompetentlik darajasini baholash imkonini beradi. Mamlakatimizda ta'lim sohasida amalga oshirilayotgan isloxtotlar natijadorligi, avvalam bor o'qituvchining jamiyatda dahldorlik hisi shakllanganligi hamda komunikativlik, axborot bilan ishslash, o'zini doimiy ravishda rivojlantrish kompetensiyalariga egaligi bilan belgilanganligi mavzuga iod ilmiy risolalarini tahlili davomida aniqlandi.

### ADABIYOTLAR

- Mahmudov A.X. Uzluksiz ta'lim jarayoniga kompetentlik yondoshuvini joriy qilishning didaktik asoslari // Uzluksiz ta'lim. - 2012. - № 4. 8-12 betlar.
- Mahmudov A.X. Ta'lim tizimida kompetentlik asosida yondashuvning didaktik jihatlari// “O'qituvchilarining kasbiy mahoratini oshirishda innovatsiya texnologiyalarining ahamiyati” mavzusidagi Respublika ilmiyamaliy konferensiya materiallari. - Toshkent. - 2012. 44-47 betlar
- Shernazarov, I., Sapayeva, G., & Smanova, Z. (2023). Using the concepts of analytical chemistry based on the integration of information communication and pedagogical technologies in formation of natural scientific literacy of students. Евразийский журнал академических исследований, 3(3), 50-64.
- Berdikulov, R., Iskanderov, A., Shernazarov, I., Ismailov, S., & Usmanova, Z. (2023). Development of logical picture thinking in teaching chemistry in an innovative educational environment. Spast Abstracts, 2(02).
- Ergashovich, S. I. (2023). Development of Functional Literacy Through Creative Thinking Tasks. Journal of Pedagogical Inventions and Practices, 18, 20-25.
- Shernazarov, I., Karakhanova, L., Tilyabov, M., Elmuratova, D., & Saidkhanova, N. (2023). Methodology of using international assessment programs in developing the scientific literacy of future teachers. Spast Abstracts, 2(02).